

*Bosna i Hercegovina
Federacija Bosne i Hercegovine
Bosansko – podrinjski kanton Goražde
SKUPŠTINA KANTONA*

**ZAKON O IZVRŠENJU BUDŽETA
BOSANSKO – PODRINJSKOG KANTONA GORAŽDE
ZA 2006. GODINU**

Goražde, januar 2006. godine

**ZAKON
O IZVRŠENJU BUDŽETA BOSANSKO-PODRINJSKOG
KANTONA GORAŽDE ZA 2006.GODINU**

I – OPĆE ODREDBE

Član 1.

Ovim zakonom uređuje se način izvršavanja Budžeta Bosansko-podrinjskog kantona Goražde za 2006.godinu (u daljem tekstu: Budžet), upravljanje prihodima i izdacima Budžeta, te prava i obaveze korisnika budžetskih sredstava.

Član 2.

Opći dio Budžeta sastoji se od bilanse prihoda i izdataka te računa finansiranja, a posebni dio sadrži detaljan raspored izdataka po budžetskim korisnicima i vrsti izdataka.

U bilansi prihoda i izdataka iskazuju se porezni i neporezni prihodi i drugi prihodi i primici, te izdaci utvrđeni za finansiranje javnih izdataka na nivou Bosansko-podrinjskog kantona Goražde na temelju zakonskih i drugih propisa.

U računu finansiranja iskazuju se zaduživanja i otplate dugova uzeti radi uravnoteženja salda bilansa prihoda i rashoda budžeta.

II – TRANSPARENTNOST I JAVNOST BUDŽETA

Član 3.

Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana.

Izvršenje Budžeta objavljivat će se ukupno i po budžetskim korisnicima u "Službenim novinama Bosansko-podrinjskog kantona Goražde" i službenoj internet stranici.

Odluke Vlade Bosansko-podrinjskog kantona Goražde i budžetskih korisnika o izvršenju Budžeta se objavljaju u "Službenim novinama Bosansko-podrinjskog kantona Goražde".

III – REVIZIJA I KONTROLA BUDŽETA

Član 4.

Reviziju Budžeta za 2006. godinu vrši Ured za reviziju skladu sa Zakonom o proračunima-Budžetima u Federaciji Bosne i Hercegovine ("Službene novine Federacije BiH" broj 20/98).

Nadzor nad upotrebom budžetskih sredstava od strane korisnika obavlja Ministarstvo finansija Bosansko-podrinjskog kantona Goražde (u daljem tekstu: Ministarstvo finansija) na način propisan od Ministarstva finansija.

Ministarstvo finansija obavezno je izvestiti Vladu o izvršenju Budžeta za prethodnu godinu najkasnije do 30. aprila fiskalne godine. Vlada je obavezna izvestiti Skupštinu Bosansko-podrinjskog kantona Goražde o izvršenju Budžeta za prethodnu godinu do kraja maja fiskalne godine.

IV – IZVRŠAVANJE BUDŽETA

Član 5.

Sredstva Budžeta osiguravaju se budžetskim korisnicima (u daljem tekstu: korisnici) koji su u Posebnom dijelu Budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene Budžetom i to do visine utvrđene u njegovom Posebnom dijelu.

Član 6.

Korisnici koriste sredstva Budžeta u skladu sa svojim godišnjim finansijskim planom, a po dinamici utvrđenoj tromjesečnim i mjesecnim planovima.

Član 7.

Korisnici moraju pri dogovaranju o uvjetima za ispunjavanje obaveza koje se podmiruju iz Budžeta uzimati u obzir utvrđenu dinamiku priliva i odliva sredstava.

Član 8.

Postupak nabavke roba vršenja usluga i ustupanje radova mora se obavljati u skladu sa Zakonom o javnim nabavkama ("Službeni glasnik BiH", br.49/04, 19/05 i 52/05).

Član 9.

Budžet se izvršava na osnovu tromjesečnih i mjesecnih planova za izvršavanje Budžeta, u skladu sa raspoloživim sredstvima.

Član 10.

Ovlašćuju se rukovodioci kantonalnih organa uprave da, uz prethodnu saglasnost Vlade, mogu potpisivati ugovore kojima preuzimaju obaveze do vrijednosti od 50.000,00 KM, u okviru raspoloživih sredstava korisnika za koje su odgovorni, a da do iznosa od 5.000,00 KM mogu potpisivati ugovore bez saglasnosti Vlade.

Ovlašćuje se Premijer Bosansko-podrinjskog kantona Goražde da može potpisivati Ugovore čija vrijednost prelazi 50.000,00 KM u ime budžetskih korisnika uz prethodnu saglasnost Vlade Bosansko-podrinjskog kantona Goražde.

Ovlašćuju se rukovodioci kantonalnih organa uprave da mogu ovjeravati na plaćanje račune čiji iznos ne prelazi 1.000,00 KM u slučaju da u Budžetu imaju obezbjeđena sredstva za te namjene.

O utrošku sredstava na način iz stava 1. i 3. ovog člana rukovodioci organa dužni su da do petog u mjesecu za prethodni mjesec izvijeste Premijera Bosansko-podrinjskog kantona Goražde i Ministra za finansije.

Član 11.

Korisnici preuzimaju obaveze za koje su sredstva namjenski iskazana u Posebnom dijelu Budžeta ako je njihovo plaćanje usklađeno sa tromjesečnim i mjesecnim planom njegova izvršavanja.

Iznimno, zbog neusklađenog priliva sredstava u Budžet prema tromjesečnim i mjesecnim planovima izdataka, Ministarstvo finansija može izmjeniti dinamiku doznaće sredstava pojedinim korisnicima, uz saglasnost Vlade.

Član 12.

Ministarstva koja u svom razdjelu sadrže budžetske potrošačke jedinice – glave, budžetski su nadležna za njih i utvrđuju mjesecne i tromjesečne računske planove izvršavanja izdataka svojih korisnika u okviru odobrenih sredstava.

Korisnici su obavezni Ministarsvu finansija dostavljati tromjesečne finansijske planove za izvršenje Budžeta 15 dana prije početka tromjesečja.

Korisnici su obavezni Ministarstvu finansija i to do 25. tekućeg mjeseca dostavljati prijedlog mjesecnog računskog plana za slijedeći mjesec po pozicijama utvrđenim tromjesečnim finansijskim planom.

Ako korisnik Ministarstvu finansija ne podnese prijedlog mjesecnog finansijskog plana u roku iz stava 2. ovog člana, mjesecni plan tog korisnika utvrđuje Ministarstvo finansija.

Član 13.

Ministarstvo finansija prenosi neutrošena sredstva po pojedinim pozicijama izdataka iz mjesecnog plana izvršavanja Budžeta na iste pozicije u naredni mjesecni plan izvršavanja Budžeta iste budžetske godine.

Član 14.

Izuzetno, izdaci korisnika koji nisu predviđeni mjesecnim planom izvršavanja Budžeta ili izdaci koji zahtjevaju prekoračenje pojedinih stavki u mjesecnom planu izvršavanja Budžeta (u daljem tekstu: nepredviđeni izdaci), mogu se podmiriti uz saglasnost Ministarstva finansija.

Izuzetno, Vlada može na prijedlog Ministarstva finansija, uz prethodnu inicijativu resornog ministra, odlučiti da se nedovoljno predviđeni izdaci korisnika podmire iz sopstvenih ušteda ili ušteda drugih korisnika, smanjenjem sredstava na njihovim stavkama.

Član 15.

Budžet kantona će se izvršavati po slijedećim prioritetima:

1. plate zaposlenih i poslanika,
2. beneficije za socijalnu zaštitu,
3. vanjski dug i kamata,
4. transferi za finansiranje opština i projekata u opštinama,
5. obaveze iz prethodnih godina na teret tekućih sredstava, na osnovu odluka Vlade,
6. ostalo.

Član 16.

O korištenju sredstava iz Tekuće rezerve Budžeta odlučuje Vlada.

Uštede koje se ostvare u toku fiskalne godine mogu se prenijeti u tekuću rezervu Budžeta do nivoa utvrđenog Zakonom o proračunima – budžetu u BPK-a Goražde.

Izvještaji o utrošku ovih sredstava podnose se kvartalno u skladu sa Izmjenama i dopunama Pravilnika o finansijskom izvještavanju i godišnjem obračunu Proračuna – Budžeta u Federaciji BiH ("Službene novine Federacije BiH" broj 17/05).

Član 17.

Ako se tokom godine na osnovu zakona i drugog propisa poveća djelokrug ili nadležnost korisnika, što zahtijeva i povećana sredstva ili se osnuje novi korisnik, sredstva za njegove troškove osiguravaju se iz Tekuće rezerve Budžeta a odobrava ih Vlade.

Ako se tokom godine na osnovu zakona i drugog propisa umanji djelokrug ili nadležnost korisnika, što zahtijeva smanjena sredstva ili se korisnik ukine, neutrošena sredstva za njegove izdatke prenose se u Tekuću rezervu Budžeta ili na korisnika koji preuzme njegove poslove uz odobrenje Vlade.

Član 18.

Sav prikupljeni i naplaćeni javni prihod koji pripada Budžetu obavezno se uplaćuje na depozitni račun javnih prihoda Budžeta.

Član 19.

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

Član 20.

Budžetskim korisnicima osiguravaju se sredstva za obavezno osiguranje u skladu sa posebnim propisom.

Sredstva za naknadu štete na imovini koja nije osigurana prema stavu 1. ovog člana osiguravaju se u Budžetu i doznačavat će se budžetskim korisnicima na njihov zahtjev.

Član 21.

Visina dnevica, naknada za putne i druge troškove koji nastanu u vezi sa službenim putovanjima za sve korisnike koji se finansiraju iz sredstava Budžeta određuje se na osnovu Uredbe o naknadama za putne troškove ("Službene novine Bosansko-podrinjskog kantona Goražde", broj: 11/03 i 14/04).

Član 22.

Sredstva utvrđena u razdjelu 10. Budžeta, pozicija "Grant parlamentarnim strankama" rasporedit će na korisnike Vlade, po prethodno utvrđenim kriterijima.

Član 23.

Sredstva utvrđena u razdjelu 11. Budžeta, pozicije "Grantovi za RS-pomoć Srebrenici", "Finansiranje projekata na području općine Goražde", "Grant općini Foča-Ustikolina", "Grant općini Pale-Prača", "Transfer za naselja pogodjena elementarnim nepogodama", "Grantovi u inostranstvo", "Naknade za povrat više naplaćenih sredstava iz ranijih godina", "Izdaci za inozemne kamate", koristiće se na osnovu odluka Vlade.

Za korištenje sredstava utvrđenih u razdjelu 11. Budžeta, pozicije "Bruto plate i naknade", "Naknade troškova zaposlenih", "Doprinosi poslodavca", "Putni troškovi", "Izdaci za komunalne usluge", "Nabavka materijala", "Izdaci za tekuće održavanje", "Izdaci osiguranja bankarskih usluga", "Ugovorene usluge", ovlašćuje se Sekretar Vlade.

Za zakonito izvršavanje budžeta Vlade iz razdjela 11. odgovoran je Sekretar Vlade.

Sredstva utvrđena u razdjelu 11. Budžeta, pozicije "Izdaci za inozemne kamate", "Otplate dugova primljenih kroz državu", "Otplate ostalim domaćim pozajmljivanjima" usmjeravat će se u skladu sa ostvarenim prilivom sredstava u Budžetu.

Član 24.

Sredstva utvrđena u razdjelu 11., 21. Budžeta, pozicija "Udruženja građana" koristiće se po programima koje donose budžetski korisnici uz saglasnost Vlade.

Član 25.

Sredstva utvrđena u razdjelu 13., 19., 23. Budžeta, pozicija "Kapitalni grantovi" koristiće se po programima koje donose budžetski korisnici uz saglasnost Vlade.

Član 26.

Sredstva utvrđena u razdjelu 15., 16., 17., 19., 20., 21. Budžeta, pozicije "Isplate pojedincima", "Otpremnine po članu 143.", "Ostali grantovi pojedincima", "Izdaci za raseljena lica" i sl., koristiće se po programima koje donose budžetski korisnici uz saglasnost Vlade.

Član 27.

Sredstva utvrđena u razdjelu 11., 14., 15., 17., 19., 20. Budžeta, pozicije Budžeta "Grantovi neprofitnim organizacijama", "Transfer u oblasti nauke" koristiće se po programima koje donose budžetski korisnici uz saglasnost Vlade.

Član 28.

Sredstva utvrđena u razdjelu 11., 17. i 21. Budžeta, pozicija "Učešće u zajedničkim ulaganjima" koristiće se po programima koje donose budžetski korisnici uz saglasnost Vlade.

Član 29.

Sredstva utvrđena u razdjelu 17. i 19. Budžeta, pozicije "Subvencije javnim preduzećima", "Subvencije javnim ustanovama", "Subvencije za podsticaj investicija", "Subvencije za poljoprivredu" koristiće se po programima koje donose budžetski korisnici uz saglasnost Vlade.

Član 30.

Sredstva – pozicije "Nabavka opreme, građevina, investicija i investicionog održavanja, rekonstrukcija, nabavka robnih rezervi i sl.", doznačavat će se korisnicima budžeta nakon provedenog postupka predviđenog važećim zakonskim propisima koji regulišu ovu materiju

Član 31.

Nadležni korisnici budžetskih sredstava obavezni su predložiti Vladi programe utroška sredstava iz čl. 24., 25., 26., 27., 28., 29. i 30. ovog Zakona, na koje Vlada daje saglasnost.

Bitni elementi programa su: naziv programa, opis programa (općih i posebnih ciljevi), potrebna sredstva za provođenje programa, potreban broj radnika za provođenje programa, procjenu rezultata, procjenu nepredviđenih rashoda i rizika.

Sredstva se ne mogu koristiti prije nego što to Vlada utvrdi odlukom.

O utrošenim sredstvima iz stava 1. ovog člana budžetski korisnici izvještavaju Ministarstvo finansija, Ministarstvo finansija Vladu, a Vlada Skupštinu **tromjesečno**.

Član 32.

Sredstva – pozicija "Naknade troškova zaposlenih", doznačavat će se korisnicima budžeta u skladu sa važećim zakonskim propisima koji regulišu ovu materiju.

Član 33.

Prikupljanje javnih prihoda Budžeta vrši se preko računa javnih prihoda (depozitni račun).

Obavljanje platnih transakcija vrši se preko transakcijskog računa koji je sastavni dio Jedinstvenog računa trezora kojeg otvara Ministarstvo finansija.

Potpisnici naloga platnih transakcija preko računa iz st. 1. i 2. ovog člana su lica koja odredi Vladu.

Član 34.

Prihodi koje budžetski korisnici ostvaruju obavljanjem sopstvene djelatnosti moraju se uplaćivati na depozitne račune javnih prihoda Budžeta.

Uplate po osnovu ostvarenih sopstvenih prihoda korisnika Budžeta evidentirat će se kao sopstveni prihod svakog budžetskog korisnika u Glavnoj knjizi trezora.

Sredstva uplaćena po tom osnovu ostaju na Jedinstvenom računu i postaju javni prihodi odnosno neće se vršiti povrat prema korisnicima koji su ih ostvarili.

U skladu s tim korisnici su obavezni da prilikom izrade svakog dijela Budžeta planiraju rashode koji će biti pokriveni iz sopstvenih prihoda.

V – KAZNENE ODREDBE

Član 35.

Novčanom kaznom od 500 KM do 5.000 KM kaznit će se za prekršaj odgovorno lice korisnika Budžeta:

1. ako sredstva Budžeta ne upotrebljava za one namjene za koje su sredstva utvrđena i ako preuzeće obavezu iznad utvrđene u Budžetu (član 5.);
2. ako sredstva Budžeta ne upotrebljava u skladu sa svojim planovima (član 6.);
3. ako Ministarstvu finansija ne dostavi tromjesečni plan u propisanom roku (član 12.);
4. ako postupi suprotno članu 31., 34. Zakona.

Član 36.

Ovaj zakon stupa na snagu narednog dana od dana objavljivanja u "Službenim novinama Bosansko-podrinjskog kantona Goražde" a primjenjivat će se za fiskalnu 2006. godinu.

Broj: 02-02-14/06

P R E D S J E D A V A J U Ć I

9. januar 2006. godine.

dr. Alija Begović

G O R A Ž D E